



## Publicaziuns dalla vischnaunca, jamna 13

### Damondas da baghegiar

#### 2021-1020.000

##### Datum dalla publicaziun: 1. d'avrel

Il patrun: Vischnaunca Disentis/Mustér, Via Cons 2, 7180 Disentis/Mustér  
Il representant: ipz ingenieure e planer ag, Via Lucmagn 7, 7180 Disentis/Mustér  
Object: Sanaziun dalla via, dils conducts, dils tumbins e dalla fontauna, niev tschaler, parcelas 1652, 1264, 3012, 3909, Via Acletta (Petschna), 7180 Disentis/Mustér

#### 2021-1021.000

##### Datum dalla publicaziun: 1. d'avrel

Il patrun: Corporaziun d'aua Spina da Vin, Caum postal 132, 7180 Disentis/Mustér  
Il representant: ipz ingenieure e planer AG, Via Lucmagn 7, 7180 Disentis/Mustér  
Object: Sanaziun dil reservuar a Stgeinas, parcella 2541, 7180 Disentis/Mustér

### Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, igl 1. d'avrel 2021  
*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou suandonts projects:

#### Nr. 2021-2013.000

Jaclyn Breitenmoser, Hinterberg 69, 9014 St. Gallen; sanaziun dallas fatschadas da lenn dalla tegia da mises, parcella 2957, edifeci E555, Plaun Menisch, 7186 Segnas.

#### Nr. 2021-2014.000

Gudrun Brigitte Rossi-Dall'O, Triemlistrasse 58, 8047 Zürich; remplazzament dallas finiastras, parcella 773, Via Lucmagn 16, 7180 Disentis/Mustér.

Disentis/Mustér, igl 1. d'avrel 2021  
*Uffeci da baghegiar Disentis/Mustér*

---

### Informaziuns dalla suprastonza communal

#### Nova purschida: Bus da clom dalla damaun

La suprastonza communal ha decidiu da separticipar naven d'immediat vid la nova purschida d'in bus da clom dalla damaun che la vischnaunca da Tujetsch ha instradau. L'actuala purschida dil traffic public possibilitescha buca da contonscher ad uras il tren che parta allas 6.15 naven da Mustér staziun enviers Cuera. Sin fundament da quei fatg ha la vischnaunca da Tujetsch lantschau en concordanza cun la Viafier Matterhorn Gottard ed igl Uffeci da traffic dil cantun Grischun in bus da clom.

In e scadin ha la pussevividad da reservar in plaz el bus da clom sur ils canals digitals SMS ni WhatsApp (nr. da telefon: 079 681 76 23), quei mintgamai entochen la sera avon allas 22.00. Suentar las 22.00 vegnan neginas reservaziuns pridas encunter pli.



**Partenza naven:**

Mumpé Tujetsch, Via Alpsu	5.48
Segnas, plaz-scola	5.49
Acla da Fontauna, Center Fontauna	6.02
Arrivada Mustér staziun	6.05
Partenza tren	6.15

Purschida: Gliendisdis entochen venderdis. La reservaziun ei obligatoria. Igl urari detagliu ei publicaus sin nossa pagina-web [www.disentis.ch](http://www.disentis.ch).

La suprastonza communal spera ch'ei vegni fatg diever stediamein dalla nova purschida.

**Gasetta d'informaziun officiala**

Gliendisdis, ils 29 da mars 2021 ei la nova gasetta officiala da nossa vischnaunca arrivada en mintga casada. Bugen fagein nus attents che la gasetta enquera aunc siu num official. Per quei intent ei vegniu lantschau in'occurrenza. Propostas da nums san vegnir inoltradas entochen ils 20 da mars 2021 sut: [gasettina@disentis.ch](mailto:gasettina@disentis.ch).

Nus giavischein bia plascher cun la lectura.

---

**Administraziun communal**

**Sur Pastgas**

Naven da **gievgia, igl 1. d'avrel 2021**, allas 17.00 entochen **mardis, ils 6 d'avrel 2021**, allas 9.00 resta l'administraziun communal serrada.

Bien engraziament per Vossa capientscha.  
*Administraziun communal*

---

**Lenna da brisch**

Damondas per lenna da brisch (**pégn ni fau**) ein da far **en scret entochen ils 9 d'avrel 2021** agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér ni per e-mail; [uaul@disentis.ch](mailto:uaul@disentis.ch). Per plascher indicar il sortiment giavischau (lenna sort ni lenna fendida) ed il quantum. Sin giavisch vegn la lenna era furnida franco a casa.

Lenna sin il tschep vegn mo vendida, sche las premissas pertuccont scolaziun minimala da luvriers d'uaul ein garantidas. La cumpra da lenna sin il tschep sto vegnir reglada en in contract da cumpra.

*Uffeci forestal Disentis/Mustér*

---

**Partenza per ina reit da sanadad integrada ella Surselva**

**«Reit da sanadad Surselva»**

La SanaSurselva lantschescha in project visiunari per scaffir in provediment da sanadad integrad en Surselva. **Schei a nus Vies** meini e separticippei alla retscherca online (**entochen ils 10 d'avrel 2021**). Tuttas informaziuns anfleis Vus silla pagina d'internet [www.sanasurselva.ch](http://www.sanasurselva.ch). Il team da project selegra da Vossa participaziun!

---

**Controlla da habitonts**

**Mortori**

Louise (Lismarie) Kreiliger-Meyer, naschida ils 20 da mars 1929, morta ils 26 da mars 2021



### **Clom d'urgenza 118**

Preziadas vischinas, prezias vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da personas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!  
*Vos Pumpiers Sursassiala*

---

### **Rimnada da pupi**

#### **Venderdis, ils 16-4-2021!**

Preziadas convischinas, prezias convischins. La rimnada da pupi d'avrel ha liug sco usitau.

**Adatg!** Ei vegn mo rimnau: gasettas, illustradas, catalogs, cudischs e prospectes stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00) e buca duront la rimnada.

Bien engraziament per Vies agid e sustegn!  
*Nossa Scola populara Mustér, Ch. Berger*

---

### **Uniun da dunnas Mustér**

#### **Preziadas vischinas e vischins**

Naven da Venderdis sogn entochen Gliendisdis Pastgas san ins cumprar las candeilas da Pastgas mintgamai avon ni suenter messa. Ei ha ellas baselgias a Mustér (s. Gions) ed a Segnas sco era ella caplutta ad Acletta in canaster cullas candeilas. Nus supplichein da pagar bar ni cun Twint, ei sa buca vegnir returnau daners (ad Acletta eis ei mo pusseivel da pagar cun Twint).

*En num dalla supranstonza engraziein nus e giavischein bials dis da Pastgas.*

Ab Karfreitag bis Ostermontag können die Osterkerzen vor oder nach der Messe gekauft werden. In den Kirchen in Disentis (s. Gions) und in Segnas sowie in der Kapelle in Acletta hat es einen Korb mit den Kerzen. Wir bitten, den genauen Betrag bar oder mit Twint zu bezahlen, da wir kein Wechselgeld geben können (in Acletta ist nur Bezahlung mit Twint möglich).

*Im Namen des Vorstands besten Dank und schöne Ostertage.*

---

### **Cuntinuaziun dils Cafés rumantschs virtuals**

*Mira sut Surselva*

---